



Ministry of Human Rights and Refugees
Bosnia and Herzegovina

Broj: 01-07-4-1448/17
Sarajevo, 05.06.2016. godine

VIJEĆE MINISTARA BOSNE I HERCEGOVINE
GENERALNI SEKRETARIJAT
SARAJEVO

Predmet: Prijedlog odgovora na poslaničko pitanje Damira Arnauta, poslanika u
Predstavničkom domu Parlamentarne skupštine Bosne i Hercegovine

Poštovani,

U skladu sa članom 26. Poslovnika o radu Vijeća ministara Bosne i Hercegovine („Službeni glasnik BiH“, br.38/02, 22/03) u prilogu vam dostavljamo prijedlog odgovora na poslaničko pitanje poslanika u Predstavničkom domu Parlamentarne skupštine BiH Damira Arnauta, dostavljenog Ministarstvu za ljudska prava i izbjeglice BiH 25. maja 2017. godine za uvrštavanje na dnevni red sjednice Vijeća ministara BiH.

S poštovanjem,



MINISTRICA
Semira Borovac

CO: - Naslovu
- a/a

PRILOG:
-Prijedlog odgovora na poslaničko pitanje
poslanika Damira Arnauta

KURIROM



Sektor za ljudska prava- Сектор за људска права

Broj: 07-07-4-1305-1/17
Sarajevo, 26. 05. 2017. godine

PRIJEDLOG

Poslanik Damir Arnaut, u skladu sa članom 166. i članom 170. Poslovnika Predstavničkog doma Parlamentarne skupštine BiH ("Službeni glasnik BiH", broj 79/14, 81/15 i 97/15) na sjednici održanoj 16. maja 2017. godine uputio je Ministarstvu za ljudska prava i izbjeglice poslaničko pitanje, koje glasi:

"Načelnik Općine Novi Grad Sarajevo u emisiji *Centralni dnevnik* na "Face TV" od 05.05.2017. godine iznio određene tvrdnje i konstatacije kojim je osporavao pripadnost konkretno imenovanog lica jednom od konstitutivnih naroda u Bosni i Hercegovini.

Oslanjajući se na nadležnosti Ministarstva za ljudska prava i izbjeglice BiH, uključujući i nadležnost za "promovisanje i zaštitu ličnih i kolektivnih ljudskih prava i sloboda" ("Član 12. Zakona o ministarstvima I drugim tijelima uprave BiH ("Službeni glasnik BiH" br.5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13 i 19/16)

1. Koji je stav Ministarstva za ljudska prava i izbjeglice BiH o ovim tvrdnjama i konstatacijama?
2. Da li je Ministarstvo za ljudska prava i izbjeglice BiH razmatralo ovaj konkretan slučaj na vlastitu inicijativu, a uzimajući u obzir svoje iznad navedene nadležnosti?
3. Da li je Ministarstvo za ljudska prava i izbjeglice BiH poduzelo bilo kakve aktivnosti po ovom pitanju, a uzimajući u obzir svoje iznad navedene nadležnosti?
4. Koje aktivnosti Ministarstvo za ljudska prava i izbjeglice BiH planira poduzeti po ovom pitanju?

Kako ni na 45. sjednici Predstavničkog doma Parlamentarne skupštine BiH nije dozvoljeno da Vam ovo pitanje postavim u usmenoj formi, te uzimajući u obzir da se Ministarstvo za ljudska prava i izbjeglice BiH još uvijek nije o ovom pitanju javno očitovalo, molim da mi što prije pružite odgovor u pisanoj formi.

Na postavljeno poslaničko pitanje poslanika Damira Arnauta, Vijeće ministara Bosne i Hercegovine na sjednici održanoj _____ utvrdilo je sljedeći:

ODGOVOR

1. Ministarstvo za ljudska prava i izbjeglice Bosne i Hercegovine kao organ uprave nema nadležnost da zauzima stavove o tvrdnjama i konstatacijama bh. zvaničnika u medijima. Ministarstvo nema nadležnost ni da reagira na izjave izrečene u medijima, ali je stava da svaki javni zvaničnik mora preuzeti odgovornost za izrečenu riječ iz razloga što ta izrečena riječ ima višestruki utjecaj na onoga na koga se odnosi, na one koji slušaju, kao i na ukupno javno mjenje. Izjave zvaničnika moraju biti argumentirane, istinite i potkrijepljene činjenicama i ni u kom slučaju ne bi smjele da vrijeđaju dostojanstvo, ugled i integritet bilo kojeg čovjeka.

2.,3.,4. Ministarstvo za ljudska prava i izbjeglice Bosne i Hercegovine promovira i štiti individualna i kolektivna ljudska prava i slobode na način da kreira politike i provodi aktivnosti na ispunjavanju obaveza BiH u pogledu primjene Evropske konvencije o ljudskim pravima i osnovnim slobodama i njenim protokolima i drugim međunarodnim dokumentima kojih je Bosna i Hercegovina potpisnica.

U skladu sa odredbom Zakona o ministarstvima i drugim organima uprave BiH, Ministarstvo za ljudska prava i izbjeglice nema zakonsku obavezu pokretanja aktivnosti po službenoj dužnosti (ex officio) radi kršenja ljudskih prava.

Napominjemo da mogućnost pokretanja aktivnosti po službenoj dužnosti ima Institucija ombudsmena za ljudska prava BiH, koja je centralna institucija za zaštitu od diskriminacije. Ministarstvo, shodno Zakonu o zabrani diskriminacije u Bosni i Hercegovini ima obavezu izvještavanja Vijeća ministara BiH i Parlamentarne skupštine BiH o pojavama diskriminacije te predlaganja mjera radi suzbijanja takvih pojava. Ministarstvo sačinjava Izvještaj o pojavama diskriminacije na osnovu podataka koji se dostavljaju od nadležnih institucija kao što su Institucija ombudsmena, Visoko sudsko i tužilačko vijeće, odnosno sudovi u BiH, kao i organi uprave.

Također, Regulatorna agencija za komunikacije BiH ima nadležnosti u oblasti emitovanja, te štiti kreativne slobode, kulturne i političke razlike i demokratske procese, istovremeno štiteći ljudsko dostojanstvo odnosno pravo na slobodu izražavanja.